

華 國 醫 學 六 種

省中醫藥學會藏書

11-102 $\frac{1}{12}$

亥 21

31

共 12 冊



潘大中丞編輯

學
華
大
中
丞
編
輯
學
華
大
中
丞
編
輯

板存江西書局



傷寒論類方

醫學金鑑

女科要略

附產寶

理瀾外治方要

外科症治全生集

十藥神書

附霍亂吐瀉方論

醫經忠孝之書也禮曰親有疾飲藥子先嘗之
君有疾飲藥臣先嘗之使不辨夫藥與病之濟
與否而徒恃三世之醫恂恂焉嘗其藥而進之
遂得爲盡禮乎哉然醫學之晦也久矣秦燔詩
書百家語雖不去醫藥之書顧自漢興書則有
伏生歐陽大小夏侯氏詩則有齊魯韓大小毛
公其以醫術應詔者當世獨太倉令一人倉公
之術復晦昧無傳班志序列古方技家三十六

種亦第存其書而已洎乎東漢之季始有張機
傷寒論其爲書也閎深奧衍氣格不類東京特
其序卑弱不稱吳草廬謂序則仲景自作而傷
寒論或卽古湯液經法仲景僅編纂云爾後世
士大夫旣苦其書之難讀不冒分儒書之心力
以從事於斯倉卒危疑之際惟皇惑乎庸師之
揣度而存亡呼吸又不可云不治得中醫或更
以爲藥物無靈至激而爲刳股裂肝之事斯豈

聖人所願於來世哉 潘大中丞之撫江右也

出其舊輯傷寒類方等書彙爲 韓園醫學六

種重付之梓舉使瑞芬序之蓋 中丞之知醫

自讀儒門事親始當時京朝官多稔其孝行已

而應

召進

壽康宮視脈以忠慎結

主知三十年來宦轍所至日卷卷於蒼赤之痼

癯而欲躋之於仁壽此編之布將使業儒書者
習而通之由是而汎覽諸家上窺靈素蓄之爲
窮理盡性之方用之卽爲事父事君之助此太
君子所以翼禮扶倫而爲前序之所未罄者也
光緒十年三月江西布政使貴池劉瑞芬謹序

吳之先正范文正公嘗有願爲良醫之語然文
正生平未嘗知醫也後千百年而有 韓園潘
公始以名世才旁通醫術應

慈宮召命屢奉

清問專門者不能及光緒癸未持節撫江右出
其刪訂之書凡六種付書局刊行而命

德棻序

之竊維醫家之言祖於黃帝兵家之言亦祖於
黃帝岐伯之素問風后之握奇經眞贗未可知

而源流甚古泥古不可也蔑古亦不可也神而明之存乎其人醫家與兵家無二理也古之善醫者貴乎專貴乎正治一經之病不禱以他經之藥專之謂也否則號令歧出宦官監軍郭李所以潰相州也藥不求奇方不避熟母詭遇母臆揣正之謂也否則行險僥倖子午出兵孔明所以拒魏延也而其要則首在宜慎夫子一生戰疾並重臨事而懼好謀而成可以治軍可以

治病東垣療一證已煎黃連石膏復易以桂附
至數十觔乃愈此足見病情之難測而醫之不
可不慎也選味如選兵布方如布陣其逐邪也
如搗穴其固本也如守城其防過劑也如戒窮
追其培元氣也如籌善後明乎此而知 公之
所以言醫者其卽 公之所以言兵乎昔文正
輔相仁宗設施未竟而其經略關隴屹然長城
則固小范老子胸中有數萬甲兵也 公承

天子明詔誕膺疆寄其爲千里所託命者亦綦
重矣方今西海阻兵恆有窺粵之舉而潮惠間
土盜不靖時復出沒江右一道壤地毘連
撫茲土其所以安內而攘外者當與文正若合
符轍區區藝術之書本不足以盡公也然而
窺豹一斑則卽此醫家者言亦可推見經世之
宏略矣光緒閏逢浣灘之歲季春月二品銜署
理江西鹽法兼巡瑞袁臨道溧陽繆德榮謹序



傷寒論類方



光緒癸未孟秋
江西書局開
周佳



曩余官京師稔潘君偉如之孝以兄子締姻好
時偉如讀儒門事親書知醫未精也嗣司西路
同知獄秩卑不足展抱負慨然曰活國非我分
獨不能活人乎爰聚古今岐黃家言研究之由
博返約探本窮源遂契靈素難經微旨而窺仲
景之奧值粵氛起驛路阻遣戍之犯畱禁拱極
城多疾病偉如日按視處方親予之湯獄無死
者由是遠近爭求療治罔不應亦罔不效名噪

甚咸豐五年七月應

召至京進

壽康宮視脈遇奇矣其令天津牧昌平也皆廣
施良藥以已境內之疾迨擢天津守兵火新經
疫大作偉如妙製一方鋟板傳布全活無算今
偉如以監司典樞東海誠和中外晉都轉銜受
任日重駸駸乎將擴其向之活人者而活國矣
然活人之志不稍懈取所讀傷寒類方暨神農



本草長沙歌括傷寒附法都爲一編將付手民
以便後學誦習適余至之罘出以相示且曰仲
景傷寒論與金匱相表裏學者必先讀傷寒論
次讀金匱方識證治又曰傷寒論之六經卽百
病之六經病雖百變經則有常凡臨證惟以六
經爲主治病必無差謬若不究病根柢以多熱
爲陰虛多寒爲陽虛特僞術耳能愈病乎尙憶
丁巳戊午間偉如寓都門士大夫競相延致他

醫不能治之疾得偉如一方卽立起曾目擊其
拯救之神而今所纂述與其持論乃平易若此
可知醫無奇術惟在取法乎上熟讀深思毋泛
鶩毋嗜奇毋惑於邪說庶幾古昔活人之法日
益講明而天下可無天札願以告世之讀是書
者同治四年八月下澣歸安沈丙瑩敘

